

Na osnovu člana 69. Zakona o javnim nabavkama Bosne i Hercegovine („Službeni glasnik BiH“, broj 39/14), a nakon provedenog konkurentskog postupka javne nabavke roba zaključuje se sljedeći

UGOVOR

o nabavci i ugradnji parnog ovlaživača i sistema hlađenja i grijanja
u depo prostoru Historijskog arhiva Sarajevo, Ferhadija 13

između

JAVNE USTANOVE HISTORIJSKI ARHIV SARAJEVO, Alipašina 19, Sarajevo, kojeg zastupa Mr.sci. Fuad Obranović, direktor (u daljem tekstu, kupac)

Identifikacijski broj 4200236860004

JRT Kantona Sarajevo , broj 3380002210019263 kod UniCredit banke.

i

TI-TERMOENERGETSKI INŽINJERING d.o.o. Sarajevo koga zastupa direktor Hodžić Muris (u daljem tekstu prodavac)

Identifikacijski broj 4200318080007, PDV broj: 200318080007

Transakcijski račun broj: 3389002206998621 kod UniCredit banke.

I PREDMET UGOVORA

Član 1.

Predmet Ugovora je „Nabavka i ugradnja parnog ovlaživača i sistema hlađenja i grijanja u depo prostoru Historijskog arhiva Sarajevo, Ferhadija 13.“, a nakon okončanog konkurentskog postupka javne nabavke roba , prema ponudi broj 382/18 od 30.10.2018.godine i Odluci o rezultatima okončanog postupka nabavke broj 02-2402-7/18 od 31.10.2018. godine.

II CIJENE I NAČIN PLAĆANJA

Član 2.

Ukupna cijena za predloženi Ugovor prema ponudi broj 382/18 koja čini sastavni dio ovog Ugovora iznosi: 22.029,20 KM slovima (dvadesetdvijehiljadedvadesetdevet i 20/100 KM) bez uračunatog PDV-a. PDV na ugovorenu vrijednost roba iznosi 3.744,96 KM slovima (trihiljadesedamstotinačetdesetčetiri i 96/100 KM).

Ukupna vrijednost roba, sa uračunatim PDV-om, iznosi 25.774,16KM slovima (dvadesetpethiljadasedamstotinasedamdesetčetiri i 16/100 KM).

Kupac će izvršiti plaćanje prodavcu na transakcijski račun prodavca koji je otvoren kod Unicredit banke.

Kupac se obavezuje da će za isporučenu robu i montažu prodavcu platiti cijenu iz Ponude. Prodavac se obavezuje da u toku ugovornog perioda neće doći do promjene cijena iskazanih u ponudi osim u slučaju izmjene zakonskih propisa.

Ugovorni organ prihvata u cjelosti uslove plaćanja koje je dao u ponudi i to – plaćanje ne duže od 30 (trideset) dana od dana izvršenja , odnosno isporuke i montaže robe koja je predmet ovog Ugovora.

III KVANTITATIVNI I KVALITATIVNI PRIJEM

Član 3.

Nabavka i ugradnja parnog ovlaživača i sistema hlađenja i grijanja će se vršiti u depo prostoru kupca, Ferhadija 13. od strane ovlaštenog zaposlenika koji je dužan izvršiti kvantitativni prijem roba i vizuelni pregled istih, te svojim potpisom na otpremnici potvrditi prijem naznačenih vrsta i količina isporučenih roba te postavljanje istih.

U slučaju isporuke manjih količina odnosno drugih kvalitativnih i kvantitativnih nedostataka na isporučenim robama predstavnik Prodavca i ovlašteni zaposlenik Kupca će o tome sačiniti zajedničku pismenu zabilješku i obostrano je potpisati a nekvalitetnu robu vratiti Prodavcu.

IV OBAVEZE PRODAVCA

Član 4.

Prodavac se obavezuje da će isporučena roba biti u skladu sa opisom i kvalitetom koji je ponuđen u prihvaćenoj ponudi.

V ROK ISPORUKE I UGRADNJE

Član 5.

Prodavac se obavezuje da će posao iz člana 1. ovog Ugovora završiti do 21.12.2018. godine od dana zaključenja Ugovora.

Rok za isporuku i ugradnju može se izmijeniti samo u slučaju odobravanja od strane Ugovornog organa i na pismeni zahtjev prodavca. Zahtjev prodavca će se prethodno razmotriti i ukoliko se utvrdi da je isti opravdan, pismeno će se odobriti produženje roka.

VI GARANCIJA

Član 6.

Garantni rok za isporučenu robu je 24 mjeseca od dana isporuke uz uslov pravilnog održavanja i korištenja. Mehanička oštećenja i oštećenja nastala nestručnim rukovanjem ne podliježu garanciji.

Prodavac se obavezuje da će u garantnom roku po pozivu Kupca, a u roku koji ne može biti duži od petnaest dana sve nedostatke na robi koji su uzrokovani skrivenim manama i propustima Proizvođača i Prodavca i koji podliježu uslovima garancije, otkloniti o svom trošku.

Član 7.

Ako se u slučaju više sile, potpuno ili djelimično spriječi izvršenje obaveze po ovom ugovoru, ugovorna strana kod koje je nastupila viša sila je obavezna da obavijesti drugu stranu o odlaganju ili raskidu ugovornih obaveza u roku od 7 dana od momenta nastanka više sile.

VII RASKID UGOVORA

Član 8.

Kupac može raskinuti Ugovor i aktivirati garanciju za dobro izvršenje ugovora u slijedećim slučajevima:

- ukoliko se prodavac ne pridržava ugovorenih obaveza, odnosno ukoliko grubo krši odredbe ugovora.
- ako prodavac ne ispunjava svoje obaveze u skladu sa Dinamičkim planom,
- ukoliko kvalitet roba nije u skladu sa tehničkim propisima,
- ako prodavac ne isporuči i montira robu u predviđenom roku, izuzev ako je za odstupanje data pismena saglasnost Nadzornog organa,
- ako prodavac nekvalitetno vrši montažu elektroinstalacija i ne izvršava poslove po nalogu Nadzornog organa,
- ukoliko poslove ustupi drugoj firmi ili podugovaraču poslova bez saglasnosti Naručioca.

VIII ZAVRŠNE ODREDBE

Član 9.

Za sve što nije predviđeno ovim Ugovorom primjenjuje se odredba Zakona o obligacionim odnosima.

Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja. Ugovorne strane su saglasne da je u slučaju eventualnog spora po ovom Ugovoru nadležan Općinski sud u Sarajevu.

Član 11.

Ugovor je sačinjen u četiri (4) istovjetna primjerka od kojih svaka strana zadržava po dva.

Član 12.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

ZA PRODAVCA
DIREKTOR

Hodžić Muris



ZA KUPCA
DIREKTOR

Mr.sci.Fuad Obranović



Broj: 382/18
Sarajevo, 12.11.2018. god.

Broj: 02-2402-11/18
Sarajevo, 12.11.2018. god.

Saglasnost Upravnog odbora,
Odluka, broj: 02-2622-4/18 od 09.11.2018.godine